

Notat

Går til: Styremedlemmer
Selskap: Helse Vest RHF
Dato skriven: 05.12.2005
Frå: Administrerende direktør Herlof Nilssen
Sakshandsamar: Ivar Eriksen
Saka gjeld: **Oversikt over tilsyns-, kontroll- og klagesaker i perioden 14.11.05 – 05.12.05**

Styresak 112/05 O
Administrerende direktør si orientering pkt. 6

Styremøte 14.12. 2005

Bakgrunn

Del 1 i oversikten gjeld saker der det statlege tilsyns-, kontroll- eller klageorgan har vendt seg direkte til Helse Vest RHF.

Oversikten inneheld

- nye saker tilsendt i perioden 14.11.05 – 05.12.05
- eldre saker dersom desse ikkje var avslutta ved sist rapportering

I del 2 er det tatt inn konkrete tilsyns-, kontroll- og klagesaker som gjeld helseføretaka i regionen.

Del 1

Tilsynsmyndigheit	Dato for brev	Kva saka gjeld	Kommentarar/status
Riksrevisjonen	22.11.05	Riksrevisjonen sitt Dokument nr. 1 (2005-2006) blei overlevert til Stortinget 22.11.05. Dokumentet inneheld mellom anna resultat av Riksrevisjonen sin kontroll av dei regionale helseføretaka. Generelt blir det uttala at forvaltninga av dei regionale helseføretaka er betra frå 2003 til 2004. Det blir peika på at det har skjedd ein tydeleg effektivisering og omstilling i alle helseregionane, og helseføretaka har syna stor grad av omstillingsevne. Riksrevisjonen har merknadar om følgjande forhold knytt til forvaltninga av staten sine interesser i dei regionale helseføretaka: • Utviklinga innan psykisk helsevern • Tildeling av einerett til Helse Vest IKT AS • Helseføretaka sine tildelingar av kontraktar til regionale sjukehusapotek • Dei regionale helseføretaka sine revisjons- og rådgivingsavtaler med ekstern revisor • Dei regionale helseføretaka sine avtaler med private	

		verksemdar • Bierverv for tilsette i helseføretak • Helseføretaka sine finansielle leigeavtaler • Helseføretaka sine lån og garantiar	
Statens helsetilsyn	Mars 05	Overbelegg ved Sandviken sjukehus. Pålegg om å rette forholda ved Sandviken sjukehus. Helse Vest har i samarbeid med Helse Bergen utarbeidd ein handlingsplan for å rette forholda ved Sandviken sjukehus. Helse Vest har frå mai 2005 jamleg rapportert på utviklinga når det gjeld overbelegg og korridorpasientar. I brev av 07.10.05 til Statens Helsetilsyn er det gjort greie for at effekten av tiltaka no gjer seg gjeldande, og at problema med korridorpasientar er løyst i samsvar med handlingsplanen. I brevet er det i tillegg gitt ein del utfyllande opplysingar som Helsetilsynet hadde bedt om.	Av rapportering frå Helse Bergen 07.11.05 går det fram at det frå 11.10.05 ikkje er nytta korridor for pasientar ved korttidspostane i avdeling for psykose og avdeling for stemningslidingar på Sandviken. Totaltala for oktober viser eit belegg på 103 %. Presset har vore særleg stort ved PAM. Når det gjeld status for tiltak, er det opplyst at det no bår drift ved dei almen psykiatriske postane ved Fjell og Årstad DPS og Bjørgvin DPS. Drifta ved dei nye einingane er slik som planlagd. Den ambulante akutteininga har vore i drift i om lag 1 månad. Det blir arbeidd aktivt med å tilpasse drifta i eininga til det ordinære apparat innan spesialisthelsetenesta og i kommunane.
	16.06.05	Tilsyn ved rehabiliteringsklinikken, seksjon Lassa, Helse Stavanger (sjå nedanfor under del 2)	Heletilsynet i Rogaland har med bakgrunn i tilsynet tatt opp einiskilde forhold som gjeld prioriteringskriteria for rehabiliteringstenesta og bruken av desse når det gjeld inntak av pasientar frå Helse Stavanger og Helse Fonna sine områder. Det blir bedt om Helse Vest sin avklaring i forhold til desse forholda. Det er ikkje sett frist for tilbagemeldinga. Helse Vest har i brev av 01.07.05 bedt Helse Stavanger om deira kommentarar.

	30.09.05	I brev frå Helsetilsynet i Rogaland er det opplyst at ein har fått oversendt prioriteringskriteria frå alle spesialitetar og at den del av saka no er avklara. Helsetilsynet peiker framleis på at det under tilsynet blei reist spørsmål knytt til Lassa sitt ansvar ovanfor pasientar frå Fonna, og at desse spørsmåla framleis ikkje er avklart. Helsetilsynet ber om at Helse Vest bidrar til å klargjere dette.	Helse Vest har i brev til Helse Stavanger 12.10.05 bedt om svar i saka så snart råd er. Svar frå Helse Stavanger motteke 04.11.05. Av svaret går det fram at ved Lassa er mellom 20 og 25 % av innleggingane frå Helse Fonna – dette gjeld både primærrehabilitering og enklare utgreiingsopphald. Helse Vest har i brev til Helsetilsynet i Rogaland 25.11.05 orientert om at vi legg til grunn at ein praksis kor pasientar frå Helse Stavanger sitt nedslagsfelt blir prioritert før pasientar frå Helse Fonna, ikkje er i samsvar med reglane i lov om pasientrettar. Helse Vest har samtidig sagt at saka vil bli tatt opp med helseføretaket. I brev til Helse Stavanger 25.11.05 gjer Helse Vest greie for at prioriteringspraksisen ved rehabiliteringsklinikken ikkje er i samsvar med lova. Hovudregelen er at alle pasientar skal prioriterast likt uavhengig av bustad. Det er i visse tilfelle mogleg å avvise pasientar frå andre regionar, men tilsvarande regel gjeld ikkje innanfor eigen helseregion.
Arbeidstilsynet	Det er ikkje motteke nokre saker frå Arbeidstilsynet i perioden.		
Datatisynet	Det er ikkje motteke nokre saker frå Datatisynet i perioden.		
Klagenemnda for offentlige anskaffingar	Det er ikkje registret nye saker i perioden.		
Sivilombudsmannen	Det er ikkje motteke nokre saker frå Sivilombudsmannen i perioden.		

Dispensasjons- og klagenemnda for behandling i utlandet	Det er ikkje motteke nokre saker frå Dispensasjons- og klagenemnda i perioden.		

Del 2

Tilsynsmyndigheit	Dato for brev	Kva saka gjeld	Kommentarar/status
Riksrevisjonen	Det er ikkje registrert nye saker i perioden.		
Statens helsetilsyn	17.11.05	Helse Førde. Saka gjeld helseføretaket sin plan for helsemessig og sosial beredskap. Statens Helsetilsyn har følgjande merknader til planverket: 1. Planverket er ikkje fullt ut implementert i verksemda 2. Det går ikkje fram om planverket er samordna med andre delar av spesialisthelsetenesta og kommunane. 3. Tilsynet kan ikkje sjå at det har vore øvd på planverket..	Helsetilsynet ber om at Helse Førde rettar opp dei forholda som er nemnde og gir tilbakemelding om dette til tilsynet innan 20.12.05.
Arbeidstilsynet	Det er ikkje registrert nye saker i perioden.		
Datatilsynet	10.10.05	Helse Bergen. Varsel om at det vil bli gjennomført tilsyn ved Kysthospitalet Hagavik 10.11.05. Formålet med tilsynet er å klarleggje om vilkåra for den behandling av helseopplysingar som verksemda gjer, er oppfylt med omsyn til tilgang til helseopplysingar.	
Klagenemnda for offentlige anskaffingar	22.02.05	Helse Bergen. Klager: Sogn og Fjordane Taxi AS. Klager deltok i ein open anbodskonkurranse for sjuketransport. Det er påpeikt i klagen at det ikkje er gitt korrekt grunngjeving, og at	Avgjerd føreligg ikkje.

		det ikkje er gitt tilstrekkeleg innsyn.	
	22.04.05	Helse Bergen. Klager er Austevoll Taxi. Klager deltok i ein anbodskonkurranse for sjuketransport. Det blir hevda at vald leverandør skulle vore avvist.	Avgjerd føreligg ikkje.
	09.05.05	Helse Stavanger. Klager: MT Vest AS. Saka gjeld konkurranse med forhandling om kjøp av frikjøleprosjekt. Klagen gjeld spørsmål om sakleg grunn til avlysing av konkurranse, spørsmål om det er gjennomført reelle forhandlingar, spørsmål om ein utan har gjort ein konkurranseavgrensande samankopling av ytingar.	Avgjerd føreligg ikkje.
	01.08.05	Helse Bergen. Klager: Techno System AS. Saka gjeld konkurranse vedrørande kjøp av respiratorar. Klager hevder at ein ved evalueringa har handla i strid med kravet til forutberegnelighet.	Avgjerd føreligg ikkje.
Sivilombudsmannen	Det er ikkje motteke nokre saker frå Sivilombudsmannen i perioden.		